

ТАЙХАМАРАН ИШКОЛ



Турпалан қлант Фарукъ

Турпалан кIант Фарукъ

2010 шо



ДЕШАХЪАЛХЕ

Хастам бу АллахIана, Іаламаш кхөьллина волучу, кхобуш-кхиош волучу!

АллахIера салам-маршалла хульда, Іаламех а къастьиина, адамех къинхетам а бина, дикане кхойкхуш, вониг доыхкуш, ирс дохьуш вайтиначу вайн пайхамарна Мухъаммадна!

Хьоме бераш! ХIара «Пайхамаран ишкол» цIе йолу жима жайна шуна лерина кечдина оха, хIокху жайнин гIоинца шуна довзийта: АллахIа, Цуьнан элча волу Мухъаммад а муха веза веза а, муха лара веза а; нахаца муха хила веза а, хъарам-хъанал муха къастон деза а; данина, ииша-ваша, гергарнаш муха лара беза а. Бокъял а бусалба муха хила веза а Іамадо хIокху жайно.

Беран оьздангалла цо ша-шеца лелочу гIиллакхашна тIера дIайолало. Беран оьзда массо хIума а хила деза: ойла а, гIиллакхаш а, олург а, хъажар а, охъахаар а, хъалагIаттар а, чу-ара валар а, тIекере валар а, духар а...

Хьоме бераш! Къоман тIаъхье! Юкъараллин ирс! Вай тешна дукха шу кхуьург хиларехь: АллахIана а, элчанна а мутьIахъ долуш, пайхамар везаш, дас-нанас айлларг деш, ииша-ваша дезаш, гергарлонаш лардеш, гонаха получарна пайдехъ долуш, къинойх гена дуьйлуш, ламазехъ леррина долуш, эхъ-бехк долуш, шалхонаш йоцуш, мотт цIена лебеш, Дела кхоруши, Іамал-Ибадат дукха дезаш, Дела хъехор алссам долуш...

Беро уггаре а хъалха шен дог а, дегI а, мотт а, лелар а, алар а цIена лелон деза, хIунда айлча пайхамара (АллахIера салам-маршалла хульда цунна) айла: «Ционалла ах дин ду».

Хьоме бераш! Шун хаза кхиарах дозна ду-кха: юкъараллин ирс, оьздангалла, хIусамаш гIиллакхо худар, вовшех дог лозу чкъор а хилла дахар, вониг деъначу мульххачу а хIусамехъ дакъя кхачар...

Лараме дай-наной!

Іаламат мехала ду, ненан, бераца йолу юкъаметтигаш ціена хилар, къастьтина иза жима долчу хенахъ: цуынах күрг тухуш «Бисмилла» доккхуш, ламаз керажь а долуш иза некхе хъош, КъурІанан аяташ цуынан лерехъ доышуш... Иштта кхиош долу бер - иманехъ а хир ду, вочу хІонах а ларлур ду.

Дай-наной! Берана чІогІа мехала ду шун күрг. Пайхамаран асхъабийн зударша шайн бераш Іамош хилла массо а дикачунна: ціена лела, ялтин хама бан, бепиган цуырг охъа ца дожон, оцу тІе ког ца баккха, зене йоцу садолу хІуманаш яйъа ца яйъан, диканиг ала, вониг ца ала, воккханиг лара, Паддайначунна Подан...

Мел чІогІа оышу-кха берашна дай-нанойн хаза хъехарш. Муха ца оышура церан хъехарш, цара лучу оъздангаллех доъзна ма ду: церан хъелаш тодалар, ГІиллакхехъ кхиар, юкъараллехъ церан оъздангалла гучуялар, царех гонна диканан Гіирс хилар, нийсоне кхайкхамхой хилла уш дІахІиттар. Ишттачу берашца кхиъна йолу юкъаралла зовкхехъ хир ю, зуламийн бохамашкахъ хир яц, ГІиллакхаза кхиъначеран балийна корта лаыцна хир яц...

Хъовсал шу, хІай, лараме дай-наной! Мел дукха ду-кха и бераш тилош долу некъаш, уш харцахъарачу новкъа дохуш долу баъданаш, берийн ГІиллакхаш талхоща йолу воллаш. Цундела, къастьтина хІокху заманчохъ, берашна чІогІа оышу дайн-нанойн күрг, хаза кхиор, оъзда кхиор. Хунда аълча цхъянненна а къайле яц тахана телхина лайтта юкъаралла, даържина долу къилахъ ГІуллакхаш, дІа ког мел баъкхиначохъ йолу хъарамлонаш, хІоъттина долу къаяхъа къулц, эхъ дощуш кхууу кегириахой...

Эхъ - мел боккха эшам бу-кха и, мел боккха бохам бу-кха и махкан а, къоманна а, бусалба юкъараллина а!

Ткъа кхетош-кхиорхой а, дай-наной а доъзална хъалха аманат лардеш ца хилахъ, сема ца хилахъ, бІаърг биллина ца хилахъ, шайн белшашна тІехъ долу декхар кхочуш деш ца хилахъ, бераш талхоща долу баъданаш а, некъаш а девзаш ца хилахъ, бераш оцу зуламийн машанех хъалхада хууш ца хилахъ, цхъа а шеко йоцуш, вайн бераш кхуур ду - дайна чкъор а хилла, дакъаза деввла синош а хилла, бохаман тоба а хилла, зуламан бІо а хилла...

Дай-наношна довза деза бераш талхаран новкъя доху бахъанаш, иштта оцу талхарх келхьара муха даха деза некъаш а. Юкъаралла бусалба кхиа лууш волучунна, талхарх юкъаралла хъалхаяккха луучунна хайила: Ислам-дино охъадехкина нийсонан баххаш хилар, вон мел долучух юкъаралла дацданьеш долу эвсара некъаш хилар, нах талхорах хъалхабохуш йолу ционаллаш хилар...

Хай, лараме дай-наной! Шун карахь ду-кха берийн талхар а, цаталхар а, оъздангалла а, оъздацаре берзар а, гиллакхе хилар а, гиллакх доцуш кхиар а, дикалла а, воллла а, комаършалла а, байрмецигалла а...

Хай, лараме дай-наной! Шун таронехь ду-кха шайн бераш малекех тера кхиор: синош цена долуш, ойланаш екхна йолуш, шайн Делан хъехамашна мультахъ долуш, массо а диканна байхой болуш, гонна масале долуш, гиллакхе долуш, оъзда долуш, комаърша долуш...

Дерзорехъ, хара жайна шуна пайдехъя даккхар доху аса Аллахъе. Иштта шу нийсачу новкъя нисдар а, вайна ирсе юкъаралла ялар а, комаърша тайхъе кхиор а доху аса Аллахъе! Амин, я Аллах!

Хастам бер вай Аллахъана, вайна нийса некъ гайтиначу!

Турналан қант Фарукъ

Схъадуйла, бераш!
Пайхамаран хъадисаш
Іамаде вай!

Аллахан элчано (Аллахлера къинхетам а,
маршо а хуълда цунна) айлла:
**«Вовашна совгаташ де, хүнда айлча оцо вовашна
дезарехь сов дохур ду шу»**



Ислам-дино бусалба стаг гуттар а дика дерг а, Далла гергахь йоле мел дерг а дезаш хиларна төхөвхүү.

Царех цхъаь ду - бусалба стаг шен вежаршца гергарлонаш а, уйраш а, марзонаш а лоъхуш хилар.

Цундела пайхамара (Аллахлера къинхетам а, маршо а хуълда цунна) нах шайна юккъехь саламаш даржоре кхойкху - цунах царна вовашка уйр а, марзо а, безам а кхуллуш баъдана хилийта.

Иштта совгаташ даларе а кхайкхина цо бусалбанашка: езачу хенашкахь а, хазахетаршкахь а - бусалба стаге шен бусалба вешина совгат далийта, оцу совгатехула шен вешица уйр-марзо чагъяйтaran дуьхъа.

Къаьсттина ладаме хир ду совгат дар, нагахь цаършинна юккъехь барт бацахь, хүнда айлча совгат даро, барт бацарна тө тамашина йаткъам а бой, шина вешина юккъехь йоъхна юкъаметтиг юханехъа уйре а, марзоне а ерзайо.

Ткъа совгат - мехала хума хилар дац коъртаниг, и лучо - ценачу даггара Аллахан дуьхъа а, доггаха шена шен бусалба вежарий безарна а ялар ду. Дера, совгат-м, хаза а долуш, цхъа зезаг хила а йиш ю, я төхь Сийлахъ-Везачу Аллахлак кхерар дагадоуйтуш, кечдеш яздина хаза йоза долу кехат а, жайна а, пайдехь хъехарш гулдина яздина кехат а хила а йиш ю.

Совгат лоруш ду бусалба стага шен вешина, дойла а ца хууш, дина долу дола а, баъданехъ цаършинна Аллахлера реза хила тарлуш долу.

Аллахлан элчано (Аллахле къинхетам а,
маршо а хульда цунна) айлла:
**«Къинойх тоба динарг –
данне а (къа) ца диначух тера ву»**




Бусалба стаг цахь а, новкъахь а, шен Iap-дахарехь а, вахар-варашкахь а, массо хенахь а, массо хъелашкахь а хаддаза тоба карла доккхуш хила везаш ву. Ша къа мосазза латадо а - Аллахле тоба деш а, дохко валарца Аллахле воврзуш хила а веза иза. Дийнахь а, буса а, Iуийранна а, суворанна а, массо хенахь а Сийлахь-Везачу Аллахле вирзина хила веза иза.

Бусалба стага цкъа а шен Делан къинхетамах дог ца дуыллу: цунна хъа ша кхояллинарг И вуйла а, И шеца ша виначу шен ненал а сов къинхетаме а, комарьша а, дика а вуйла а. Шен деглан лаамаша а, Делан мостагI долучу шайтлано а, ша Iexa а вина, шен Далла а, шен Делан элчанна а Iеса хульчу новкъа вавкхича, - сихонца доггах гечдар а д oxyush, тоба а деш, шен Деле - Аллахле воврзу иза. Цо сатуьйсу Сийлахь-Везачу Аллахла шен тоба къобалдаре. Цо дог ца дуыллу Аллахлан йист йоцуш боккхачу къинхетамах.

Вайна хaa дезаш ду, тобадар - шен бехкамаш долуш хилар. Нагахь оцу бехкамашца доггуш дацахь, тоба нийса хила а, къобалдан а йиш йоцуш ду. Оцу бехкамех ду: летош долу къинош дитар, ша летийна долу къинош леторна дохко валар, къинош дитиначул тъяхъя уыш юха летон ца волавалар, ша нахана йина харцонаш меттахлиттор.

Аллахлан элчано (Аллахлера къинхетам а,
маршо а хульда цунна) айлла:
«Сан самукъа ламазехь дина»



Ламаз – лайна а, цүнан Далла а юккъехь уйр латтош долу Ибадат ду. Ламаз дитинчо - шений, шен Сийлахь-Везачу Даллий юккъера уйр хадийна.

Ламаз – къинойх а, һесаллех а цланвеш йолу һамал ю. Иза – Сийлахь-Везачу Аллахлана хъалха хлоттар ду: шен Эле кхойкхуш, цүнга шен хъал а далхощ, Цо деллачу диканашна Цунна хастам а, шукар а деш, къинхетам совбаккхар а дөхуш. Цундела ву догцена бусалба стаг - дайма а массарел а хъалха ламазе кхача герташ хульуш а, массо гуллакхела и дукха дезаш хульуш а.

Пайхамар (Аллахлера къинхетам а, маршо а хульда цунна), ша Делах кхийриначеран эла а, һаламийн имам а воллужехь, - нахана юккъехь ламаз уггаре а дукха дезаш верг а, Сийлахь-Везачу Аллахлан халкъалах уггаре а дукха Аллахлана лолла деш хилларг а ву. Ламазе хлоттарехь хилла цүнан дерриге самукъа.

Ламазе хъоиттича садолу бусалба стеган даго, цо сатуйсу Аллахла шех къинхетам баре. Сийлахь-Везачу Аллахлана къамеле волу иза ламазехь. Аллахлана хъалха длахутту иза – Цунна мүтлахь хиларца, хъаставаларца шен деглан меженаш а нисий. Шен ламаз дерзадо бусалбано. Ламазехь воцуучу хенашкахь а Аллахлана ша гуш вуйла а хая цунна. Массо а хенахь меженаш Далла мүтлахь йолуш а, дог Делах кхоруша хульу иза.

Ламаз дезаш верг – амал эсала йолуш хульу, дог дика долуш, гиллакхаш хаза долуш хульу, халонашкахь собаре а, комарьша а хульу иза. Моллалла кхойкхуш мосазза хеза а, дерриге а дутий, Аллахлана хъалха хлотта длахьоду иза.

Аллахан элчано (Аллахлера къинхетам а,
маршо а хульда цунна) айлла:
«Эхь хетар – иманах ду»



Бусалба стагаца дульстича, иманан дақьош а, цуынан генаш а, даржаш а тайп-тайпана ду.

«Иман» - деккъя маттехь айлча долуш, дош хилла іаш дац. Маттехь айлларг тіедуза дезаш а, кхочушдан дезаш а ду - ціеначу даггара долучу дөг тешаро а, меженашца дечу дикачу гүуллакхаша а, Аллахл резаволучу іамалша а.

«Эхь» бохург – хаза гүиллакх ду, оғыза амал ю. Ислам-дино бусалба нах кхойкху эхь хеташ хиларна тіе. Ткъя эхь хетаран юкъараллица дахар дәлхүтту - исбаяхъя хульлий, кхуыий, хазлой, толой. Эхь лелаш хилча - яххыш самукъянене, екхалой хульу, дегнаш комаңшаллица деладелла хульу. Эхь хетаран бахъаница амалш хазло, ваша шен вешица къинхетаме, дөг лазаме хульу. Эхь бахъана долуш, стага шен бусалба вешин сакхташ ца лехъадо, орца ца дохуш, гина вонаш а хульдо. Эхь хетар бахъана долуш, бусалба нехан юкъаралла дәлхүтту – хазлой, кхетаме, оғыза, исбаяхъя, ирсе.

Аллахлан элчано (Аллахлера къинхетам а,
маршо а хульда цунна) айлла:
**«Мунепикъан кхо билгало ю: ша (цхъаъ) дуийцуучу
хенахъ – аьшпаш буьтту цо, ша ваьда йича – (ша йина
ваьда) йохайо цо, шех тешча – тешнабехк бо цо»**



Аллахлан элчано (Аллахлера къинхетам а, маршо а хульда цунна) чөглө вон гүуллакхаш а, сийсаза амалш а йийцина, хлора бусалба стаг царех ларвала везаш, генавала везаш йолу. Оцу гүуллакхех уггаре а кхерамениг хлара кхоъду:

- 1) Аьшпаш боттар. Иза – бакъдолучуынца цадогүрг дийцар а, харцлер а ду.
- 2) Ваьда йохор. Иза – ша кхечуынца биначу барта тlexъ чекхцевалар а, айлларг кхочуш цадар а ду.
- 3) Тешнабехк бар. Иза – уггаре ямарта къа а, доккха зулам а, вон ёесалла а ю.

Ахъа, хъайх тешначунна, тешнабехк бар а ду. Хъайх тешийна даыхний а дитийтина, оцу тlexъ ямарта хилар а ду. Йорайоккхург цахиларх а тешийна, хъайга йийцина къайле нахала яккхар а ду.

И кхо хлума ду лайтта тlexъ уггаре а боккха бохам баржош дерг. Цундела лерина уьш мунепикъан белхаш.

Аллахлан элчано (Аллахлера къинхетам а,
маршо а хульда цунна) айлла:
«Iуьира-ламаз деш верг – Аллахла Шен Iуналле эцна ву»



Хъалхо вай дийцаре диra ламаз ладаме хиларах а, иза, лайшна а, церан Далла а юккъера зе латтош йолу уйр хиларх а лаьцна. Оцо бусалбанан дагчохь дайма а Аллахлаx кхерар а, ерриге хенашкахь а ша Цуьнан Iуналлехь вуйла хаар а, ша миччанхъя велахь а Цунна ша гуш хилар хаар а кхиадо. Иштта ламазехь Аллахлана хъалха хъоьттина велахь а, ламазал арахь велахь а - цуьнан меженаш Аллахлана хъастаяла а, мутьлахь хила а, Цуьнах кхера а, хъарамчух ларьяла а Iамайо.

Аллахла диначу диканех угтаре а доккханиг ду-кха – шен хеннахь а деш, маьждигехь жамалатехь Iуьира-ламаз дар, Цо Шен Iуналлина кел эцар совглат, Цо иза Шен долане эцар. Ткъа вовр вуй-те Сийлахь-Везачу Аллахлан Iуналлехь верг?! Валлахли, вовр вац-кха! Вовр а ма вац я дакъаза а вер ма вац! Нагахь иза лахь – хастаме валар хир ма ду цуьнан.

Нагахь ваха висахь – Аллахлан глоьнна келахь вехар ма ву иза. Ткъа муха кхочур ду цуьнга цхъаьнгара вониг, томе доцург?!

Хюкху хъадисо гойту - Iуьира-ламазан болх беза а, Iаламат боккха а хилар Сийлахь-Везачу Аллахлана гергахь.

Аллахлан элчано (Аллахлера къинхетам а,
маршо а хульда цунна) айлла:

**«Аллахла цхъа а цамгар ца яийтина - цхъана хенахъ цунна
дарба доуьтүш бен. Цундела дарбанаш леладе»**



Доллучунна ницкъ кхочуш а, Сийлахъ-Воккха а волучу Аллахла омра дина:
дахар латторех юкъара хульуш долу бахъанаш леладе айлла. Нагахъ шух
муылхха а цхъаъ цхъана лазаро лаъцнехъ, цамгаро хъовзийнхъ – оцу цамгарна
дарбанна Ша кхольлина долу дарбанаш леладе айлла омра дина Аллахла.

И дарбанаш лелор бахъана долуш, бувзина Аллахланна тіе болх
билиначарех хир ву лай. Бахъанаш леладо цо. И бахъанаш кхольлинарг а,
хилийтинарг а цхъа Аллахл бен воцийла а хая цунна. Шашша цара беш цхъа а
пайда цахилар а хая цунна. Сийлахъ-Везачу Аллахлан пурбанца а бен цара деш
цхъа а дарба цахилар а хая цунна.

Шеко йоцуш, дерриге а Аллахлан кхиэлаца лелаш ду. Цуьнан кхиэл ю
дерригенгахъ а чекхйолуш а, лелаш а ерг. Тлаккха Аллахла шена магийна
бахъанаш лелийначарех, Аллахла Шен кхиэлаца шена доыгынчунна реза
хиллачарех хульу иза. Тешна ву иза Сийлахъ-Везачу Аллахла азаллехъ доыгынагр
леланза дериг цахиларах а, лелош долу бахъанаш а, дарбанаш а Сийлахъ-
Везачу Аллахла азаллезъ доыгынчарех хиларах а.

Аллахан элчано (Аллахлера къинхетам а,
маршо а хульда цунна) айлла:

**«Шаш дуخار төдүхүчү хенахь а, шаш ламаз
оьцуучу хенахь а - айтту аглонна тітера доладе»**



Пайхамара (Аллахлера къинхетам а, маршо а хульда цунна) вайна массарна а төдиллина: мульхха а дика гүллакхаш дечу хенашках айтто агло хъалхаяккха айлла. Маяждигна чу доылхучу хенахь – айтто ког хъалха боккхур бу вай. Хүума юуш – айтто күйига юур ю вай. Вайн вежаршка саламлучу хенахь – айтто күрг дәлховдор дувай.

Айтто күрг хъалхадаккхаран мына - эхартахь вешан тептар айтту күйига даларе сатийсарна ду. Доллучунна ницкъ кхочуш а, Сийлах-Воккха а волучу Аллахла вайна дийцина: шен Ыамалийн тептар айтто күйига схъаэцна верг декъала хилла, ялсамани яккхина цо, жоъжаглатек хъалха а вайлла иза айлла. Цундела пайхамара (Аллахлера къинхетам а, маршо а хульда цунна) шен асхъабашна Ыамош хилла: дерриге дика гүллакхаш айтто күйига дар - эхартахь тептар айтто күйига схъаоьцуучарех хилийттаран дуюхъа хилар.

Аллахлан элчано (Аллахлера къинхетам а,
маршо а хульда цунна) айлла:

«Уггаре а вон къу - шен ламазна къола дийриг ву,
рукъла а, сужда а дувъзина ца деш»



Сийлахъ-Везачу Аллахла ламаз төдиллина - Шений, Шен лайний юкъехъ уйир хилийтаран дүхъя а, бусалбанехъ, ша ламазехъ волуш а, ламазехъ воцуш а, дайма а Сийлахъ-Везачу Аллахлана ша гуш вуйла хаар кхиоран дүхъя а. Цуынх иза вольча - амалехъ эсала хир ву, ламазехъ волуш а, ламазехъ воцуш а синтеме хир ву, нахаца къеда-мерза хир ву, хүнда айлча тешна ву иза Сийлахъ-Везачу Аллахлана ша а, ша мел дийриг а гуш хиларах. Ша мел дечуынгахь догцена велахъ а, моттаргланаш лелош велахъ а - Цунна хавийла хууш а ву иза.

Шен ламазна къола деш верг, вуьшта айлча: ламазехъ синтеме воцург - цуынан къорта гайгъа катохна шен ламаз тъхъя-хъалха даккха глертар хульу. Моттало цунна шена иза цхъана а маынне а, ладаме а дац. Шен хан яйъеш болу мохъ тарбелла цунна иза. Ткъа оцу кепараниг - нахана юкъехъ уггаре а воккха къу ву. Ша-шена деш къола ду чо иза. Цунна моятта хир ду ша шен Делаца - Аллахлаца зленехъ ву. Ваamma и цунна мояттарг - нисса блостанехъя ду. Аллахла Ша реза вечу новкъа а, шена пайда бохъун болчу гуллакхна а харже яккха елла йолу хан оцу новкъа хважо баярмечиг ву иза. Ламазехъ злок етта чо - нынъо къенан буьтигна злок еттаре терра. Ша шен ламазехъ мел-хүн дешна а ца хава цунна.

Ша динарг ламаз ду моятту хир ду цунна. Чо динарг ламаз дац. Цуынан хъал нахана къола деш волчу къух тера ду. Къунна моттало хир ду ша лачкъийна даыхний шен доладаълла. Дола ца даълла уьш цуынан, чо уьш лачкъорах нехан хъакъ долучуъра дладалац. Ткъа чо дийриг - нахана къола ду, кхо дийриг - шен ламазна къола ду. Ламазна хважо ша кхойина йолу хан эхартана бала пайда боцуче-мхъежайо чо.

Аллахлан элчано (Аллахлера къинхетам а,
маршо а хульда цунна) айлла:
**«Нахах тольуш верг –
Аллахлах кхерарехь сов вальларг ву»**



Оцу хъадисо вайна йовзуйту дикаллин хазалла а, исбарьхалла а. Дикалла – бусалба стагехь хила тарлучу хазачу амалех угаре а хазаниг ю.

Мел хаза ду бусалба стаг дика хилар! Мел дукха диканаш дохку цүннан дика хиларехь: амалехь эсала хулья иза, гүллакхаш хаза долуш хульу иза, оъзда, комаърша хульу иза. Оцул сов зулам ца до цо цхъяннена а. Шена зулам динчунна а къинтлера волу иза, шена вон динчунна а гечдо цо. Ша волчу хъаша вөйссича - лараме тлеоъцу цо иза. Аллахла шена деллачу диканех мерг а, дуург а хъалха хлоттадо цо цунна. Угаре а хазачу күцара хъошалладо цо шен хъешана.

Шен дозалхочунна дика до цо - кхетош-кхиорца, хаза гүллакхаш йаморца, дикачу амалашка марзварца. Ша-шеца а дика ву иза. Сийлахъ-Веза Аллахл реза хин волчу новкъахъ шен хан а, давхний а харже доккху цо. Аллахл реза хин волчу гүллакхашна яхна, я бахам а ца кхоабо цо.

Иштта хульу нахана юкъехь Аллахлах кхерарехь сов волучувнан хъал. Иштта йолу цүннан дикаллаш а, Делах кхерар а бахъана долуш - нахах угаре а диканиг а, тольуш верг а вагарвина иза Аллахлан элчано (Аллахлера къинхетам а, маршо а хульда цунна).

Аллахлан элчано (Аллахлера къинхетам а,
маршо а хульда цунна) айлла:
**«Ламаз керажь латтон геертар вац
Делах тешна верг бен»**



Мульххачу а бусалбано ламаз керажь латтор - оцу лайнан Аллахлах тешар а, цүннан иман а доггах хиларна тоышалла деш йолчу билгалонех цхъа ю. Хунда айлча тешна ву иза: ша ламаз керажь латтош мел ву а - ша Далла лолла деш хиларах, ша Далла Ибадат деш хиларах.

Ламаз керажь латтор бахжана долуш, шайтлано дагчу туысучу вочу а, зуламечу а, тилючу а ойланийн вонах хъалхаволу иза, я царьга ша лаца а ца тооцуйту цо.

Шен ламаз керара мосазза дели а, сихха карладоккху цо и - шен Далла лоллехь получу цаходаран дүхъя, Ибадатах юкъара цаваларан дүхъя. Изатешна ву: шен ламаз керажь а долуш, длаохуш ластьта ерриге хан Аллахлана Йамал-Ибадатехь дайойдуш хиларах. Мульххачу а хенахь схъаэцна Къурлан деша кийча ву иза. Шен Дела хъахор ву цо ламаз керажь а долуш мульххачу а хенахь. Ушдоцучу кхечу дикачу гүллакхашна а кийча хир ву иза.

Аллахан элчано (Аллахера къинхетам а,
маршо а хульда цунна) айлла:


**«Шух мульххачу а цхамма хоршам тухучу хенахь -
шен ши күрг юхъя дуихъал дилла, аз а лахде»**



Ислам-дин даима а, шен массо а хъехамашкахь а бусалба нахана хаза гиллакхаша, оъзда амалш а хъохушду. Цо дийцанза ца дитина, хоршам тухуш волчу бусалбано дан дезарг а цхъяна. Хунда айлча бусалба стаг шена гонах получарна масал хила дезаш ву, наха эца хаза масал долуш хила везаш ву: шен гиллакхашкахь а, къеда-мерзаллехь а, къинтера волуш хиларехь а, гечдеш хиларехь а, догцена хиларехь а, бакъ лерехь а, Делах кхоруш хиларехь а, оъздангаллехь а, оъглаз ца эхарехь а.

Мульхха а бусалба, ша хоршам тухучу хенахь, нахана новкъарло ярах леррина ларлуш хила веза. Цундела ша хоршам тухучу хенахь, шен ши күрг юхъя дуихъал дилла деза цо - шен мерачура аракхоссадала тарлуш долу цинциаш цхъянненна а та ца кхетийтаран дуихъя, хунда айлча уллохь а, гонаха а получарна уыш тлекхетахь цунах цатам бера бу царна. Иштта хоршам тухучу хенахь шен азтало а деза - шена гонаха лачарна новкъарло ярах ларвалархъама.

Аллахан элчано (Аллахлера къинхетам а,
маршо а хульда цунна) айлла:
«Белхалочуңан хъацар дакъадалале дәло цунна маң»



Сийлахь-Везачу Аллахла бусалба нахана диначу диканех цхъа - Цо царна даийтина долу низам ду, доссийна долу Шарл ду, хаддаза бусалба стеган а, цуынан бусалба вешин а юкъара уйир хлоттарехь а, хлоттийначул тъяхъа иза чагъярехь а юкъара хульушдолу.

Нагахь мульххачу а цхъана бусалбано мехах болх бан белхало лаънхехь, Ислам-дино иза лаъннарг тъхъоху - болх бан мехах лаънчунна дөгү хъакъ, ша бан безаш болу болу иза бина ма вавллинехь, хъемза дәладаларна. И сихдан дезаш хиларан къайле хүн ю айлча - бусалба нахана юкъе цакхетам а, къовсам а, барт эглар а дан тарлуш долучу массо а бахъанийн некъаш дәлкъовлар ду, къахъегна волучу белхалочух зулам юхатохар а ду, Сийлахь-Веза Аллахл резавар а ду.

Аллахлан элчано (Аллахлера къинхетам а,
маршо а хульда цунна) айлла:

**«Нагахь айттонехь волучу хенахь хьо АллахI вовза
глертахь - Цунна хьо а вевзар ву бохамехь».**



Xloра бусалба стаг а, зуда а Аллахлан новкъахь диканна харж еш хила деза. Сийлахь-Везачу Аллахлан новкъахь а, шен бусалба вежаршна пайда баран новкъахь а харж еш хила веза xloра бусалба, шен бахам а, къинхъегам а, хан а юккъе а юллуш. Ткъа шен таро а, айтто а волучу хенашкахь оцу кепара хиллачуынца - иза цомгаш хиллачу, гюрасиз виссиначу, айтто-таро йөххна виссиначу хенашкахь Сийлахь-Веза АллахI а хир ву кхин а сов комарьша, кхин а совдика, кхин а сов къинхетаме.

Нагахь цүнга мульхха а цхъа бохам, сингаттам баглахь - Сийлахь-Везачу Аллахla парглато лур ю цунна, хъалха а воккхур ву Цо иза оцу бохамах, сингаттамах. Идицдешдика а лур ду Цо цунна.

Аллахлан элчано (Аллахлера къинхетам а,
маршо а хульда цунна) айлла:
**«Кхин дела вац, Аллахл бен» айларг -
ялсамане гүр ву»**




«Кхин дела вац, Аллахл бен» айларг - оцу сийлахьчу дешнийн майнах а кхеташ, цуынан чулацам а бевзаш, шен дерриге тайпанашца Йибадат цхана Сийлахь-Везачу Аллахлана бен а ца деш, оцу дешнаша бохург шен дахарех лела а деш, ценачу даггара оцу дешнашна реза а волуш...

Ламаз дечу хенахь - Аллахлан дуъхья бен ламаз а ца деш, гүурбанна урс хъокхучу хенахь - Аллахлан дуъхья бен урс а ца хъокхуш (я эвлаяан дуъхья, я пайхамаран дуъхья а ца хъокхуш)...

Шега мульхха а цхья бохам я цатам беача - шега деанарг Сийлахь-Везачу цхана Аллахла длаайдаре бен са ца туьйсуш. Шега мульхха а цхья бала беача - и бала бухатохар цхана Сийлахь-Везачу Аллахлера лоъхуш...

Иштта хилларг - ялсамане гүр ву.

Аллахлан элчано (Аллахлера къинхетам а,
маршо а хульда цунна) айлла:
**«Шуна юккъехъ диканиг - шена Къурлан а Іамийна,
и кхечарна длахъохуш верг ву»**



Къурлан - Сийлахъ-Везачу Аллахлан къамел ду. И шена Іамош, цо бохург деш, цул таъхъа кхечарна и длахъохуш къахъегна верг - бусалба нааха уггаре а диканиг ву. Хунда айлча цуынгахъ - Аллахлан Жайнахъ долу Іилма хаар ду, вұышта айлча - Сийлахъ-Везачу Аллахлан Къамел довзар ду.

Лай тlevулучух уггаре а дезаниг - Делан Къамел ду, хунда айлча оцу чохъ ду: нийса хъукма, хаза хъехам, цуынан ойла еш волучунна шен дахарехъ оьшу пайданаш карор долу бакъ дийцарш, ялсаманех а, жөржаглатек а лаъцна харцонах цэна болу хаамаш, дикачу малекех лаъцна бакъ хабар, къайленаш йийцар, бакъдолу хъикмат. Нийсачу новкъя а нисво цо.

Дерриге а дика хила луучо - Къурлан Іамадойла. Ша уггаре а дикачу, бусалба умматах цхъяъ хила луучо - цуынца Іамал йойла.

Аллахан элчано (Аллахлера къинхетам а,
маршо а хульда цунна) айлла:

«Некъа тіера новкъа йолу хұма діаяққар - саға ду»



Бусалба стаг даима а диканиг дендеш а, тадеш а хила везаш ву. Цүнан дұыхы Аллахла адам кхөллина йолу іалашо ю и. Иман а ду и - дегнаш тодеш долу. Хаза дитт а ду и - бусалба стеган дагчох кхуыш долу. Оцу дитто оцу дагчох хаза стольмаш дебабо. Іожан дитте терра, вай цүнан хұтосу ластьта, хи а туху. Цүнан іunalла а деш, доля дича, то вайна хаза стольмаш кхиабо, вай дууш долу іежаш санна.

Иштта ду иман а, вай цүнан доля дича - дика іамал а еш, ціенна дөг а, негат а ғландаш, цүнга вайна хаза стольмаш далийта. Оцу стольмех ду - Сийлах-Веза Аллахл резавар, оъмарех а, рицкъех а беркат а, шен го тобан лайш еш йолу дика іамалша.

Нагахь хайна новкъахь охъатесна хұма каражы (нехаш чохь төрміг я некъа юккъех түлг) - дөгцена бусалба стаг декхарийлахь ву нах діасалелачу новкъара иза діаяққа. И баҳанехь лайна Аллахл реза хир ву, нахана и везар а совдер ду. Бусалба стаг даима а тодеш а, диканиг дендеш а хила веза.

Аллахан элчано (Аллахлера къинхетам а,
маршо а хульда цунна) айлла:
«Ялсамане гүр вац эладитанча»




Эладита - нахана юккъехъ вон къамел даржор ду. И бояха къамелаш баҳъанехъ нехан барт бохабо, нах вовшашца эглабо.

Хюра бусалба стаг декхарийлахъ ву - дукха къамелаш дарах ларвала. Стеган шен бусалба вешин хъокъехъ дог хъаглах а, оыгъазлонах а, цабезамах а, ачонах а дузуш долу эладитанаш-м дуийцийла а яц.

Цундела Шарло дихкина - эладитанаш даржор, хъарам дина - эладита лелочунна а, моттбеттачунна а ялсамане вахар, хүнда айлча эладитанаш даржор а, элира-бохурш дийциар а - доккха къаду.

Аллахлан элчано (Аллахлера къинхетам а,
маршо а хульда цунна) айлла:
**«Нахана баркалле воцург -
Аллахлана а хир вац баркалле»**



Хайна мульхха а цхьана стага дика дича - хю цунна баркалла ала дезаш ву, хайний, цунний юккъера безам, уйир, вежаралла, гергарло хаддаза латтийтаран дуюхъа. Цундела Шарлотехъоху баркалле хиларна.

Сийлахъ-Везачу Аллахла Ша деллачу нийматашна Шена баркалле хиларан метталерина ду - шена дика дина получу бусалба вешина бусалба стаг баркалле хилар.

Аллахлан элчано (Аллахлера къинхетам а,
маршо а хульда цунна) айлла:

**«Вайн бакхийнаш лоруш воцург а, вайн берашца
къеда-мерза воцург а - вайх вац»**



Бераш декхарийлахь ду - бакхийнаш лара, церан сий дан а, шега диканиг де боуш мел ду, бакхийчара боург дан а. Нагахь воккхачо жимачуынга мульхха а цхъа хұмса де айллең (идар жимачунна маслалате а, Аллахлана мұльтлахь хилар декъях а долуш) - тәккха и бераш декхарийлахь ду цо боург дан, цүнца гіллакхе хила а деза уыш.

Кегириачу асхъабаша (Аллахл реза хульда царна) шайл а воккхачуынан хаза ларам беш, олуш хилла: «Ваша! Дада!». Цул а сов, қлогла оъзда къамел деш а хилла цара бакхийчарьга, қлогла гіллакхе хульуш а хилла уыш царьца.

Иштта бакхийнаш а бу декхарийлахь - кегириачарыца къеда-мерза хила, берашца къинхетаме хила. Нагахь царьгара ғалат даыллең - царна хъеха деза цара нийса дерг. Шеца къеда-мерза хилар баҳвана долуш - воккхача хилча, и жиманиг а хир ву шел жимчуынца къеда-мерза, шел жимчуынца къинхетаме а хир ву иза. И баҳвана долуш, юқъаралла а, юқъаметтигаш а юзур ю къинхетамах, къеда-марзаллех, нийсонах, тешамах, дегңеналлех, бақълерах, гіллакхах, оъздангаллех.

Аллахан элчано (Аллахера къинхетам а,
маршо а хульда цунна) айлла:

**«Бусалба стаг - иза шен матто а, куийгаша а бусалба
нахана зулам (зен) ца деш верг ву»**




Бакъ волчу бусалба стага зен ца до шен бусалба вежаршна. Муххале а, шен вежаршна зенехъ дерг шена гича - декхарийлахъ ву иза, хъем ца беш, и дладаккха, цунах шен вежарий ларбан.

Цундела бусалбано зен дан йиш яц вочу дашца а, эладитанаш даржорца а, моттбеттарца а, гибат дарца а, сийдоцурш дийцарца а, бага леярца а, сийсазвакхарца а.

Шен куийга зен ца до бусалбано бусалбанна. Тоха йиш а яц цо цунна, лазо йиш а яц цо иза. Шен куийга бусалба нахана зенехъ дерг дан йиш а яц цунаан.

Аллахлан элчано (Аллахлера къинхетам а,
маршо а хульда цунна) айлла:
«Хаза дош - сагла ду»



Бусалба стаг декхарийлахь ву шен мотт хаза лебеш хила а, диканиг бен ца олуш хила а, овзда къамел бен ца деш хила а.

Цундела бусалба стаг – авшаш, путьаш буттуш хила ииш йолуш вац, шен бусалба вежарех цхъя а сийсазван а, емалван а ииш йолуш а вац иза. Цул а сов, бусалба стаг даима кхечунна дика дан глерта везаш а, хаза къамел долуш хила везаш а ву.

Хаддаза Аллахл хъехош, ша миччахь велахь а, Далла ша гуш вуйла хууш, шен маттехула ара мел давллачу дашах шен хъесап дийр дуйла хууш, хила везаш ву мульхха а бусалба стаг. Цундела, Аллахл реза веш дерг бен ца олуш, ларвала веза.

Аллахан элчано (Аллахера къинхетам а,
маршо а хульда цунна) айлла:
«Оыгъаз ма эха! Ялсамане хир ю хуна»



Стагера даяллачу массо а вонийн хьост - оыгъазло ю. Бусалба стаг оыгъазлонах ларвала везаш ву. Оыгъазлоно стаг бларзво, бакъдерг ца гойтуш. Кхетам чохь ойла ярах а тилаво цо иза.

Цундела пайхамара (Аллахера къинхетам а, маршо а хульда цунна), нахе омра а дина, само йина, оыгъаз ма эха айлла. Синна хала ду оғазъэхар дита. Иштта цо билгалдақкхина оыгъазъэхар дитинчунна а, меттахцевохначунна а хин йолу ял, ткъа цунна ду хъял хин йолу ял - ялсамане ю.

Оыгъазло йитар - стаг ялсамане вохуйтучу йамалех цхъаъ ю. Ма йоккха ял а, ма доккха совглат а ду-кха бусалба стагана а, цүннан вежаршна а, кхин хила йиш а йоцуш, - зенехъ долу хлара зулам дитина волчунна.

Аллахан элчано (Аллахлера къинхетам а,
маршо а хульда цунна) айлла:

**«Хайн вешина юхь-духъал велакъажар -
сага лоруш ду»**



Бусалба стаг шен вешина юхь-духъал велакъежна хила везаш ву, цүнца уггаре хазачу кепех юкъаметтиг лелон а еза цо, бусалба нахана юкъехь диканига, догцленалла а, тешамалла а даржийтархъама.

Цундела пайхамара (Аллахлера къинхетам а, маршо а хульда цунна) уггаре а атта некъ билгалбина, бусулба нахана юкъехь безар даржош го ден болу, цо айлла: «Хайн велакъажар».

Стаг шен вешина юхь-духъал деккъя цхъя велакъажар ду-кха, самукъанаш а, нахана юкъехь безамаш а даржош. Цул а сов, вайга и лардайтаран дуихъа оцу тлехъ ял а ю йиллина. Цундела ду и велакъажар - бусалба стагана оцу тлера ял а луш, сага лерина.

Аллахан элчано (Аллахера къинхетам а,
маршо а хульда цунна) айлла:
«Къинхетаме волучух -
Къинхетамечо бийр бу къинхетам»



Пайхамара (Аллахера къинхетам а, маршо а хульда цунна) бусалба нах тъехъюху - вовашца къинхетаме хиларна. Цо довзуйтү: нахаца къинхетаме хиллачуынца - Сийлахь-Веза Аллахла къинхетаме хир волуш хилар, хунда айлча - Къинхетамениг ву Изя. Къинхетамалла - Цүнан күцех цхъаъду.

Аллахан элчано (Аллахера къинхетам а,
маршо а хульда цунна) айлла:

**«Стага Ислам (дин) хаза лелош хиларан (билгалонех
цхъаъ) ю - цо (массо) а шех йотталуш доцург дитар»**



Бусалба стаг - шена пайдехь дерг дан геरташ хила везаш ву, шен бала боцург довза а ца геरташ.

Цундела Ислам-дино бусалба стагана само йина - динехь а, дүненахь а шена пайда бохъун доцург дитар көртә хиларе кхойкхуш, хүнда айлча уыш нехан гуллакхех ду, кхунах йотталуш а я кхүнан бала болуш а дац уыш цхъана а аглор. Хүнда айлча шена шен динехь а, дүненахь а пайда бохъун доцу гуллакхашна юкъагеरташ волу бусалба стаг - пайдаза эрна шен хан йойуш ву. Цул а сов, дуккха а къинош долуш хила а тарлуш ду иза юкъа геरташ дерг - эладитанаш а, моттбеттара, глибата.

Бусалба стаг декхарийлахь ву - шена пайда бохъун получунна сагатдан. Цундела Ислам-дино оцу стага бусалба дин хаза лелош лерина. Вуьшта айлча, Сийлахъ-Везачу Аллахан Шарланы хаза тъяхъавазарах лерина ду - мульхха а бусалба стаг шен бала боцучунна юкъа ца геरтар.

Аллахан элчано (Аллахлера къинхетам а,
маршо а хульда цунна) айлла:

«Шух уггаре диках верг - нахана сов пайдехь верг ву»



Даима а, нахал тольуш а, уггаре дика а лоруш верг - нахана диканаш дийриг а, шегара нахана пайданаш девриг а, шен ницкъ кхачаре хъяльжина, нахах зен духутухуш верг а ву. Шен даыхнехъ а, къинхъегамехъ а, хенехъ а нахана бъльмециг хила йиш йолуш вациза.

Нагахъ, юкъараллера иштта долу вовших доглазар дадалахъ - цунах акха хъуынан юкъаралла хульу: вовшийн тергам а боцуш, вовшашка ла а ца дуглуш, вовших къа а ца хеташ. И бахъанехъ гийлачуынан хъакъ дадо, къен стаг ле - мацаллина а, цамгарна а.

Цундела Ислам-дино - вовших дог лозуш, бала кхочуш йолу бусалба юкъаралла кхолларна тъехъоъху. Ша-шех воккхавечуынан а, шен гайна бен сацагатдечуынан а меттиг хила йиш йолуш а яц оцу юкъараллехъ. Цул а сов, бусалба стаг - шена Сийлахъ-Веза Аллахл резаваре кхача а, Из а оыгъаз гон получух генавала а, шена а (хъалхарчу тъелганахъ), нахана а (шолгъла) пайда бохъуш а, дика дохъуш а хила везаш ву. Бусалба нехан лоззучунна дог а лозуш, диканна а, вонна а дакъа кхочуш хила а веза.

Аллахлан элчано (Аллахлера къинхетам а,
маршо а хуылда цунна) айлла:
«Боккъалаъ, Аллах! - тlexхаза ву, хазалла езаш а ву И»



Хюра бусалба стаг декхарийлахь ву - шен васт безаме хилийта а, духар цэна хилийта а, күц-кеп къепе дало а.

Ислам-дино тlexхояху чохъярчу цланонна а - бусалба стаг гиллакхе хиларна а, овзда хиларна а, нахаца юкъаметтиг хаза лелорна а. Иштта арахъарчу цланоннат та хюояху Ислам-дино.

Аллахлан элча (Аллахлера къинхетам а, маршо а хуылда цунна) ша а хилла кайн духар тledухуш а, оба юхуш а, коврта хюма тууллуш а. Нахана юкъехъ массарел а хаза күц-кеп долуш хилла Мухъаммад-пайхамар (Аллахлера къинхетам а, маршо а хуылда цунна), шен месех дайтта хьюкхуш а хилла цо. Аллахлан элча (Аллахлера къинхетам а, маршо а хуылда цунна) нахана юкъехъ шехуггаре а хаза хъожа етталуш хилла.

Шен умматна тledиллина цо дезачу денешкахь та керла духарш дохар. Млаш длахедае айлла, омра дина цо, рузбане воьдуш. Шина а йидахь лийчар тledиллина цо. Ламазна хлоттале хъалха ламаз эцар тledиллина цо. Йибадатех мульхха а йибадат дечухенахь ламаз эцар диканехлерина цо.

Оцу дийциначу дерригенан баъдана - Сийлахъ-Веза Аллах! тlexхаза хилар а, И хазалла езаш хилар а ду. Далла дукха деза - шен лай хазачу куыцехъ хилар, исбаяхъачу суртехъ хилар, безамечу күц-кепехъ хилар. Күц-кеп хаза лелор деза лерина хиларе терра, лайнан чухале а ю цэна хила езаш.

Аллахлан элчано (Аллахлера къинхетам а,
маршо а хульда цунна) айлла:
«Дин - догценалла гучуяккхар ду»



Бусалба стаг - бусалба стеган ваша лоруш ву. Бусалба стага шен бусулба ваша бала боцуш, тлаламаза вита йиш яц - шена цо дечу гүуллакхашкахь а, лелочуынгахь а галаташ деш дуйла хууш хилча, я шена цо Сийлахъ-Веза Аллахл реза воцург лелош дуйла хиъча. Бусалба стага шен бусалба ваша оцу хъолехъ вита янне а йиш яц. Муххале а, декхар ву иза цунна хъехар дан, цленачу даггара цунна нийса дерг хъеха, иза дикаха долучуынга нисван, иза нийсачу новкъа ваккха. Аллахла тлебиллина некъ бу и. Ткъа бусалба динан дух - догцена хъехар дарду.

Элчанаша (Аллахлера къинхетам а, маршо а хульда царна) шайн къаямнашна доггаха хъехамаш бина, цара кхайкха а кхайкхина уыш - Аллахле а, Аллахлан Шарле а, цара Аллахл воцучунна деш хилла долу лолла дитаре а. Царех терра хъехар деш хила везаш ву хюора бусалба стаг - шен вешина а, шен йишина а, шен доттаглашна а. Нагахъ царех цхъяньгара галат даылла хилар шена хаалахъ - иза нийсачу новкъа ваккха веза цо.

